



Kat. Komp.

59932



Mag. St. Dr.

P

uicinus

Fest. 5200.

Stwedyk Mich. Ioan. Nep. Examinondas pro
domo vitae humanae et felicitatis
bono decertans.



91
EPAMINONDAS

Pro Domo

Vitæ humanæ & felicitatis Bono
DECERTANS,
S. JOANNES
NEPOMUCENUS,

Metropolitanæ Ecclesiæ Pragensis

CANONICVS,

Thaumaturgus Martyr CHRISTI,



Regni Bohemiæ & Famâ periclitantium

PATRONVS,

Dum

Ad Solennem Canonizationis suæ Pompam,
ex Cathedrali Cracoviensi Basilica,

P E R

Confraternitatem Literatorum sub titulo Assumptionis B. V. M.

& Ejusdem S. Patrocinio gaudentem,

ad Ecclesiam S. ADALBERTI,

in Circulo Cracoviensi, introduceretur.

Præsente Magnorum Hospitum Corona,

M. MICHAELE IOANNE NEPOMVCENO AWEDYK;

In Alma Universitate Cracoviensi Philosophiæ Doctore & Professore,

Devoto Cultu Panegyrico


ADORATUS.

Annô Quô

MagnVs De CæLo VenIt heros aVXILIarI.

Humanæ vitæ Maximus Ille DEVS. Die 22. Septembris.

CRACOVIAE Typis Jacobi Mátyaszkiewicz S. R. M. Typographi.



CELSISSIMO
PRINCIP I,
ILLVSTRISSIMO

&

REVERENDISSIMO
DOMINO,
D. CONSTANTINO
FELICIANO

in SZANIAWY

SZANIAWSKI,

DEI & Apostolicæ Sedis gratiâ,
EPISCOPO CRACOVIEWSI,
DUCI SEVERIÆ,

Vniversitatis Cracoviensis

59932
111

CANCELLARIO
FAVENTISSIMO,
Mæcenati Amplissimo.



*Eriorem EPAMINONDAM
IOANNEM, Præsuleis
quod audeâ insinuare ma-
nibus; non mireris PRIN-
CEPS Celsissime. Decet
enim, ut quondam Ecclesiæ Pragensis
A2 Cathe.*

Cathedralis Canonicus, etiam hodie non
sit sine Episcopo. Heros EPAMINONDAS,
sine fortissimo in sufferenda Patriæ &
Ecclesiæ mole Athlante. Pro domo vi-
tæ humanæ & felicitatis bono quodsi de-
cortantē protuli, Tu Ille PRINCEPS
es, qui emortuam fere animasti, & feli-
citate destitutā Poloniam, beatiorem red-
didisti. Magnis Orbi Universo clarus
meritis, quibus Rhetorum superlatio
comparata, humilis existit. Fulgur pur-
puræ Tuæ, quod non unius Encomiastæ
everberavit pupillam; Oratori timorem
infert, & cum amore publico omnium
præcordijs in viscera tus sis, solis tantum
ingenijs formidandus appares. Hebe-
scunt Oratorum acumina, Tulliani are-
scunt fontes; quoties Magne PRÆSVL,
pro Tua Majestate scribendus venis: dici
quidem scribiq; mereris, sed augustius
quàm dici scribiq; posses; ideo conatus
eruditos simul provocas & sistis simul
dulcedine & formidine imples, quia di-
cendorum & scribendorum de Te dulce
Illici-

cium, & simul iusti silentij digitus ad
 labellum. Habet AGNVS Gentilitius
 auream lanam, ex qua nil nisi Purpu-
 ræ Togæq; fieri possunt; infensus autem
 Patriæ hostis, quoties hunc conspicit; toti-
 es ob fortitudinis magnitudinem & ge-
 nerositatem Leonem spectando, timet for-
 midatq;, PRINCEPS Cælestiū Astro-
 rū Titan signū Arietis ascendens, ver-
 amenius aperit mundo; Illustrissimi hono-
 rum Soles, quoties SZANIAVIO insi-
 stunt AGNO, & ver Patriæ amanissi-
 mum; & omnigenæ felicitatis meridies
 semper renasci & resplendere solet; ut ex
 Te PRINCEPS Celsissime documen-
 tum, qui Majorum decora collecta tenes:
 & reddis majora. Ante Senatorij ho-
 noris Culmina, iam summus boni Rei-
 publicæ Defensor habebaris, iam Patrē
 Patriæ agebas. Eò tempore Superū fa-
 ventibus gratijs datus Senator Poloniæ,
 quo infelicitatis monstrum, Herculem po-
 scebat Virum; Teq; suum Liberatorem,
 omnium expectarunt desideria. Ruebant

denso agmine conjurati contra Patriam
Catilinæ, Mars internus externusq; Po-
lonas vastabat oras, Urbium domorum-
ve tecta accensa, hostibus in Rogos ibant
triumphales, à solis Incolis lachrymas, in
sui extinctionem postulabant. Aurea li-
bertas, ferreis ligabatur compedibus, Ci-
ves se ipsos mutuïs conficiebant vulneri-
bûs: omnisq; dominabatur calamitas. Do-
loris publici spectaculum Polonia, nihil
amplius in se habuit, præter graves mi-
serias. Tot lassata inter Turbines, ne
tota caderet; verior Athlas, humeris illam
sustentasti. Paci Bellonam amicam red-
didisti, Gladios coadunasti, & Tuæ glo-
riæ fabricatores effecisti. Discordias æ-
terno ferè sædere junxisti, Majestatis
reverentia, libertatis conservatio, quæ
& quanta esse debeat; demonstrasti. Sed
difficile est Calamô tot invenire literas,
quot Tuâ Præsuleâ Cruce, hostes è Pa-
tria propulsaisti, Cives conservaisti, Toga-
ta sæcula reduxisti, Chalybe & ferro æ-
tates duras sustulisti. Ob hos Heroicos a-
ctus

*Etus Cordi felicissimè nunc Regnantis
 Inviictissimi ac Serenissimi A V G V S T I
 II. adhesisti; veriùs, quàm olim suo Ale-
 xandro Ephestio. Apud alios prodigiũ
 hoc esset, apud Te consuetudo ea perficere,
 quæ Posteris, non sine veneratione mira-
 buntur; nostrisq; sæculis inuidebunt, quòd
 Te tam maximum habuerunt. Craciũ
 ingressus Vavellum, in majori collocatus
 solio; maiora, imò maxima agere non
 cessas. Gladium Ducalem quoties in apri-
 cum producis, toties virtus in altum ele-
 vatur: sola vitia caput attollere non au-
 dent. D. Altaria; ut meliori resplende-
 ant metallò, aurum addis, potius totum
 ærrarium impendis, quò bono Ecclesiæ
 succurris. Excitas fundationes Novas,
 Antiquas suo restituis splendori, nec mi-
 nus munificentia Tuæ debent antiquæ,
 quàm novæ Alia Seminaria Te Restau-
 ratorem, alia Fundatorẽ agnoscunt, sin-
 gula liberalissimam Benefactorem profi-
 tentur. Sive posteritas Vladislaviensem
 Insulam, sive Cracoviensem Tiaram re-
 spiciet*

spiciet: utriusq; Te gemmam Præsulum
enarrabit. Pergama Poloniæ & primū
gloriæ Capitoliū Arx Cracoviensis, quod
ex suis ruderibus assurgat. & ut Phœnix
renascatur, Tibi debet. Totus Orbis Sar-
maticus, cū Te lucidissimum suum ha-
beat sydus & indefessum Athlantē; Pa-
tronum IOANNEM, quem sua sydera
cingunt, quem EPAMINONDAM dixi, intra
Præsuleos admitte postes; Gratia IOAN-
NES, Cælestes conciliabit favores, & ut
magnis meritis Celsitudinis Vestræ, quan-
totius Eminentissimos evincat honores in
Decus & Præsidium Patriæ, minimus
Clientum vovet.

ILLVSTRISSIMÆ
Celsitudinis Vestræ.

M. MICHAEL AWEDYK, Philosophi
Doctor & Professor.



ORATIO.



Venerandum humanæ felicitatis opus, adeò infaustis rerum vicibûs oppositum agitur, ut gravem sui patiatur pressuram. AA. Ca-

dunt susq; deq; malefani fatorum ictus humanam felicitatem depravare an deprimere volentes, assurgunt decumanæ bellorum clades, & solos nonnisi nobis ferunt gemitus, vixquè aliquando post lachrymarum imbrem serenum fortunæ intuemur. Numeramus dies, sed singultuum

& lacrymarum plenos, horas mensuramus, sed mensurâ infortunij excedentes. Nullus est, quem stagnanti doloris publici Oceano, pudeat guttas lachrymarum adiecisse.

B

cisse.

cisse. Plurimos quidem Heroum veneramur Filios, sed non Heroes. Rarus aut nullus Agamemnon, qui Martiali percitus Entheo, humanam felicitatem tueatur. Rarus Magnanimus Ajax, qui impenetrabiles telô & retundendis impetibus pares opponat Clypeos, ut Patrijs Penatibus fortunam ominetur meliorem. Abest bellô innutritus Achilles, à quo non unus humanæ felicitati inimicus Telephus, in acie profligetur. Grassatur per hominum fortes freni penè nescius furor, & ampliora adusq; sumit incrementa. Nec aliam ob causam toties egestatem publicam deploramus, nisi quòd parem ad pericula animum inter tot millia requirimus, cui aut læsa, aut spoliata, aut semianimis felicitas nostra innitatur. A primo vitæ nostræ exortu mortales felicitate destituti, & adusquè nil diu felix stetit. Cadunt Urbium culmina, strages hominū urgent; fata omnia manēt. Tempus rarum aut nullū est, quod luctibus ac gravibus calamitatibus non misceatur. Cælum à tot sæculis terrenæ
addi.

addictum necessitati, adeò plerumq; aver-
sum, ut cum cætera affatim nobis tribuat,
solam Magnorum Virorum caritatem fa-
cit, sine quibus etiam gemmea felicitas
ludibrium fortunæ. Expectamus summo
votorum anhelitu quòd Mæstum Sol ho-
diè caput, cras lætum roseo promet ab æ-
quore, sed desideria quomodò fallantur? lu-
ctus gemitusq; testes. Postuunt nobis, sed
solis lachrymis anni; percurrunt horæ, sed
animatam ut plurimum trahunt infelicitate-
tem, imo genus humanum adeò undiq;
opprimitur, ut fermè fatalem sui experiatur
periodum. Si gladium contra hostiles e-
vaginare desideramus cervices, umbram
gladii timemus. Si bella, movere inten-
dimus, imbelles quia sine Heroibus fugimus
dissipamur. Alto lachrymarum immergi-
mur mortales, subsidium nullum est, quo
beatas felicitatis nostræ pergamus ad in-
fulas. Fortunæ latices copiosis manātes un-
dīs nos undiq; latent, & quæ superfuso tu-
muere nectare ripæ, suo nos non solantur
reditu. Ipsi montes quorum cacumina

vix Cælestes non tangunt Sphæras, quoties luctus gemitusq; nostros introspiciunt, toties propter doloris magnitudinem ingemiscunt. Mare murmuranti fluctuum undâ nostræ indolet calamitati, quòd inter tot adversæ fortis positi turbines nullum habeamus, qui aut nobis consulat, aut pro nostra integritate bella gerat. Defunt Scævolaë, pro sinistris Patriæ rebus ambustam non formidantes referre dexteram. Defunt Curtij, qui abyssum hiantis non horrent soli, ut in solido humana felicitas stet fundamento. Sed quid miseri ingemiscimus mortales? quid nobis lacrymæ gemini fluminis instar eunt? dum adest pro bono humanæ felicitatis decertans Sanctus **IOANNES NEPOMVCENVVS.** Quem erga Superos amor, pro domo vitæ humanæ zelus, veritatis Protothypon, Heroem demonstrant universis. Ergo tot illustrem factis **EPAMINONDAM** pro domo vitæ humanæ & felicitatis bono decertantem ad Solennem Introductionis suæ **Pompam S. IOANNEM NEPOMVCENVVM**

CENVM brevi dictionis Cothurnô, demonstrabo.

In laudes Tuas minus cultæ prorumpenti svadæ, si fulgur Tuum ita te penitus eripit, ut dici inconcessus maneat, sub nube saltim virtutum tuarum, Te venerari permitte, quando & Phæbus sub Nube, aut in Iride sua cerni non renuit, & Numina videri inconcessa, ex flamine cortinaq; sua se vestigari permittunt. Patebit facilior à longè reverentia & veniæ locus, modò amplissimum benevolæ attentionis non denegate campum.

NEPOMVCENÆ laudi condignæ antequam occurrent Apotheoses, Epaminondas nobis prius investigandus est. Insigne quippè sæculorum decus, Gentis Thebanæ gloria, Martis cultor, & totus Mavortius Heros, adeò humanæ addictus fuerat necessitati, ut pro illius integritate par bella gerere, & semper respondere paratus. Vixit quidem, sed non sibi, nam vitâ suâ emortuam Thebanorum felicitatem

C

tem animavit, ut generosæ mentis Heros
nuncuparetur. Morum gravitatem & fer-
mè Divinum robur innata sibi habendo,
adeò illis hostilibus terrorem incutebat ca-
tervis; ut etsi ipsi Iovi rebelles Encelados,
trepidasset. Prudens in quævis ejus ani-
mus, non tantùm corda Civium, sed & ad-
versos sibi duxit in triumphum. Fulgorè
gladij quoties spectatori exposuit oculo,
toties inimicum hostem; aut vicit, aut sibi
in spolium duxit. A tenera sua Juventa,
nil non bonum, nil non secundum gessit.
Summus literarum amator, quia maximus
illarum Cultor; librorum folijs incumbe-
bat, ne in oblivione decumbat. Verbò
quid quid egit, id omne in Victimam The-
banorum cessit felicitati. Ast siccinè solæ
Thebæ tanto gaudebunt Heroe? Siccine
Orbi ad invidiam tanta felicitate fruentur?
minimè: adest nobis Sanctior EPAMINON-
DAS, ad Solennem Canonizationis suæ tri-
umphum S. IOANNES NEPOMVCE-
NVS, qui innumeris stipatus virtutibûs, He-
roicum in se demonstrat animum. Sumit

primū

primum vitæ suæ exordium in oppido POMUK NEPOMVCENVVS, ut labenti felicitati humanæ, proprium non deneget auxilium. Vix Materno prodijt ab utero, protinus grandævos sui Parentes, in mille rapiendo solatia; totam domum ob luminis magnitudinem, & summæ lætitiæ copiam: in donum felicitatis transmutavit. Exuberant majores in plausus domestici Penates, quòd Illum intra se complectantur, qui vix fermè natus, jam Cælestibus adornatus triumphis. Vix publicum aspexit Solem, & jam omnium oculos in sui stuporem rapuit. Sacro insignitur Baptismate, ubi tantum animi assumpsit robur, ut infans licet, Herculem tamen non timeret Virum. Videre erat qua cum lætitia S. IOANNIS PARENTES amænam explicuere frontem, sed non sine profuso lachrymarum fonte. Inimica nempè vitæ humanæ Nemesis, à Baptismalibus redeunti lymphis NEPOMVCENO, tantos struebat dolos; ut de ejus cunis, nil nisi fatale feretrum edolare moliretur. Sed ergone nascentur

medijs gaudijs luctus? Ergone in Neonatum Infantem tempeſtiva fluent fata periculis? minime: adest Fons vivus Sanctiſſima Virgo MARIA, quæ fatali langvorum æſtu aduſtum EPAMINONDAM, ſaluberimis gratiarum ſuarum refocillat undis. In longa cum fatis lucta, adeò Sanctior Heros adjutus, ut de illis victricem palmam reportaffet. Penes Aciem Caſtrophum ordinatam MARIAM, nunquam non magnanimus EPAMINONDAS videndus, ab illa omnem derivavit armaturam, de qua in præſidium vitæ humanæ mille clypei pendent. Infans erat IOANNES, & nil Infantile habuit præter annos. In cunis & jam eorum ambitu non poterat teneri, major ſe ipſo fuit; ob Virtutum, amplitudinem, par ei nulla erat Macedonia. Quidquid geſſit, maturè geſſit, oſtendit in parvo corpore, magnam latere virtutem. Fæcunda Parens Lucina, cùm Sanctiorem Infantem, in favorabili educavit ſinu, EPAMINONDAM non IOANNEM proclamavit. Ex infantilibus evolutus cunis,
vix

vix serpere per terræ declivia novit, jam
 ferta merebatur. Vix verba proferre sci-
 ebat, & jam oracula dabat. Post tyro-
 cinia S. vitæ, ut eò melius & commodius
 suas exerceret vires; DEO Sacratas indi-
 es visitat ædes: ubi Missæ Sacrificio mini-
 strando, illum demonstravit animum, qui
 viros decet. Progreditur ex domesticis
 laribus ad scholasticum Solem NEPO-
 MVCENV S, sub quo non ad florem
 tantum, sed ad maturitatem excoctus; pru-
 dentia sublimitatem, judicij acumen, con-
 silij gravitatem, & alia innumera EPAMI-
 NONDÆ consecutus ornamenta. Ivit fau-
 sto pede per Grammaticos casus in bicollē
 Parnassi verticem, ubi Phæbo Musisq; Sa-
 crata pectora, adeò sibi duxit in triumphū;
 ut ipsa Ars, si Appollinem sui non nosset
 Inventorem; certè Eum Authorem præ-
 dicasset. Perplexa difficultatum Arcana
 & implicati Parnassij montis recessus, ca-
 pacissimo NEPOMVCENI ingenio pa-
 tuere; Castallij Fontes, ubi IOANNEM
 adverterunt, Cyllenium sui veneratæ. Sed

D inter

inter Parnassios Colles, non diu moratur
NEPOMVCENVVS; non in montibus
solum, verum ubiq; locorum EPAMINON-
DAS. Petit Tulliana tempe, ex quibus le-
git victrices palmas; quibus vitam homi-
num exornaret. Videre erat, quanta cum
amænitate Oratorij in applausum surge-
bant flosculi, videre: quomodò Tulliani fon-
tes, spumanti lætitiâ insonabant procella.
Totus laurearum ferax campus, Heroi NE-
POMVCENO in spolium cessit. Ad
facundiam Ejus, Oraculū quia Parens O-
ratorum conticuit Tullius, ad melleum
oris eloquium, disertiores Hortensij stupu-
ere. Brevi amænissima linquens Cicero-
nis flumina, abyssales Aristotelici Eurippi
irruit vortices, ubi nunquam naufragium
passus: ad optatam Philosophicæ scientiæ
Insulam, non sine triumphali pompa ena-
tavit. Acutæ spinæ Logicales, multos
quidem pungere solent; NEPOMVCE-
NO ad placitum venere: quas Ille ingenij
acumine exsuperavit. Summi Magistri se-
duliq; Professores, ad hoc tantum IOAN-

NI

NI necessarij fuere, ut eruditionem inge-
 niumq; stuperent. Verbô in tantum S.
 EPAMINONDAS NEPOMVCENVVS ado-
 leverat, ut animi Celsitudinem, prudentiæ
 vigorem, agendi dexteritatem, aliasq; clarif-
 simas dotes, quarum alij prima tyrocinia
 auspicantur; inde Ille consumatas extulerit,
 nec jam amplius probari deposcebat, sed
 approbari. Emicabat in Eo ardens ad præ-
 clara quæquæ animus, fervebat in pecto-
 re, pridem incensus honesti amor; nec
 jam disciplinam in Eo virtus, sed perfe-
 ctionem & testimonia habebat. Post Lute-
 cianam Palladem, ampliora scientiarum
 arcana, ut eò melius scrutaretur NEPO-
 MVCENVVS, Pragenſe petit Athæneum,
 ne solæ Thebæ ſui olim EPAMINON-
 DÆ Heroica jactent facinora. Studijs
 Philosophicis exactis, Theologicis incum-
 bit, quibus tanta cum animi ſedulitate in-
 vigilavit, ut Discipulum agens, par Magi-
 ſtris fuerit. Nulli dabantur recessus, quos
 non penetraſſet aviditate ſciendi. Aca-
 demico Pragenſi, luco, propriô ingeniô in-

tulit lucem. Lauream post binam Philo-
sophicam, tertiam in Iure Sacrifq; Canoni-
bus recipere decuit IOANNEM ut cui
Cælestes triumphī abeunt in trophæa, eti-
am laurus rotarentur in coronas. Sed ter-
nīs redimitus adoreīs parum illas censuit
valere, sine Myſtarum arcola: hac ornatus,
nihil non Sanctum geſſit, nihil non Cælō
dignum æmulatus. In ore roſeo, niveus
regnabat pudor, & quæ alij diſiſa habue-
re, S. EPAMINONDAS IOANNES colle-
cta tenuit. In ſacras provocatus Exedras,
illum Oratorem agebat, ex cuius ore non
verba ſed oracula profluebant. Attollebat
vocem in munere concinatorio NEPO-
MVCENVVS, ſed ipſos gravi ſomno ſo-
pitos Morphæos, in virtutū excitabat amo-
rem. Vnus Pericles verba jaciebat olim
fulminis inſtar; S. IOANNES NEPO-
MVCENVVS, ita omne malum domabat,
ne caput ſuum amplius ſuſtuliffet. Quid-
quid dici poteſt, de Herodē Thebanorū EPA-
MINONDA, id totum de NEPOMVCE-
NO dicendum. Vixit S. EPAMINON-

DAŚ,

DAS sed continuò librorum incumbendo foliis, non sibi sed humanæ vixit felicitati. Fervebat in Eo erga supremū Cæli *Rectorem* Pietas, Zelus Divini per Illum augmentabatur honoris; imò NEPOMVCENVVS nihil cogitavit, quod bono vitæ humanæ non prodesset. Carebat suo Protectore Bohemia, carebat Defensore periclitans fama, & hucusq; caruisset; si illis præsto S. EPAMINONDAS non adesset NEPOMVCENVVS. Advertit tantā mentis animiq; generositatem in IOANNE Archipræsuleus oculus, vidit erga *Superos* pietatem, & S. *Epaminondam NEPOMVCENVVM*, Canonicū Cathedralis Ecclesiæ nuncupavit. Benè fecisti Illustrissime ARCHIPÆSUL, quòd IOANNEM Canonicū fecisti, qui antequàm Canonicū agebat prius Canon virtutum erat. Canonialis honor, gradus non meta IOANNI. Offeritur Illi Lytorimienſis Tiara, Visogrodensis Præpositura, utramq; recusat. Sacris innixus virtutibus, Pontificali fulciri renuit pedo, à Tiara removet caput, ne tantā onu-

E

stus

stus mole tardus fieret humanæ succurrere
felicitati. Honores quos VENCESLAI libera-
litas sua contulit Authoritate; NEPOMV-
CENVSi innatâ modestiâ resignavit, & ma-
luit subesse, quàm præesse; mereri eos intē-
tus, non habere. Sed ne Imperatori obedire
non videatur, Cæsareū conscendit sugge-
stum, ubi virtutes sui Defensorem, vitia Do-
mitorē adverterunt. In egenos Trajano
liberalior: millenos cooperiebat Iros, ut Su-
peris placeret Sanctior EPAMINONDAS.
Placuit, & ad mentem venit Imperatrici
IOANNÆ; & qui nihil unquā dignū pæ-
nitentiâ egit, debebat agere pænitentiari-
um IOANNÆ, cujus arcana oris & cor-
dis quæ sub sigillum confessionis accepta-
bat, Cælo efficiebat acceptanda: soli
VENCESLAO displicere visa, quia se-
creta. Nimiū curiosus, scire voluit,
quæ ipsum non concernebant scire. Age
& aude VENCESLAE, rerum deside-
ras investigare Arcana? Heros IOAN-
NES Tuam non timet ferociam, famæ
bonæ Defensor cū maneat; sigillum non
revela-

revelabit confessionis. Audite de VEN-
CESLAO plura qui minora audistis, im-
pendit omnem curam, ut in suam curi-
am S. provocatum EPAMINONDAM, pro-
pria devincat petitione. Appromittit su-
blimia honorum Cacumina, verum IO-
ANNES conservare sigillum Cōfessionis;
maximū honorem autumavit. Elusus opi-
nionē suā Cæsar, dissimulat parumper su-
um propositum, in S. EPAMINONDAM ar-
ma paraturus. Animi sui Orexim, ut af-
fatim fatiatam habeat, malè dapes subor-
dinantis culinæ Ministri, innocentem præ-
mit Cruorem; ut fercula suo non arriden-
tia Palato: ab humano sanguine gustet
suaviora. Stupet tantam Cæsaris tyran-
nidem totius Regni populus, & nullus est
cujus intima timor non penetret; crude-
litas insolita terrorem infert, omnes inco-
læ ob doloris magnitudinem ingemiscunt,
Hærodi Tyrannidem dissuadebat IOAN-
NES Baptista, Venceslaum unus è cun-
ctis noster adit NEPOMVCENVVS, &
pro domo humanæ felicitatis decertat.

103
Dissuadet mentis animique ferociam,
demonstrat turpe esse, ubi ipsi in corona
adamantes, non proprio nitore verum hu-
mano fulgent sanguine. Erubescit pur-
pura si effrontis sceleris lacertos palliat, imò
si venusto virtutis non pingatur colore,
certè evanescit. Pretiosi valoris gemmæ,
onerant non ornant, & suos faciunt ge-
mere Possessores; quoties rore cruoris in-
nocui irrigantur. Exponit VENCESLAO
pericula vitæ IOANNES, & tremendum
DEI illi prædicando iudicium, sperare ju-
bet ultionem. Acquiescitne persuasioni
IOANNIS Cæsar? minime: Audite inso-
litam rabiem, assurgit iracundiæ inflam-
matus ardore, EPAMINONDAS IOANNES
ut profundo intrudatur carceri: seriò de-
mandat. Gaudet, exultat NEPOMV-
CENVUS, quòd angusto licet inclusus car-
ceri; augustum tamen pro humana felici-
tate decertandi, adinvenerit campū. Nem-
pè: ex obscuro carceris, serenabat hominū
mærores: tenebrosusq; carcer, Ipsi fuit
Regia solis. Redditus pristinae Impera-
tor

tor menti, malum sui considerando opus;
NEPOMVCENVM ad suam invitat
 mensam, ut exquisitis dapibus, Heroē va-
 leat placare **IOANNEM**. Siccinè jam
D. EPAMINONDA VENCESLAI invitatio-
 ni parebis? siccine hujus adibis Regiam,
 qui Regis Regum mandata vilipendet?
 nonne scis, fœcundi calices quem non fe-
 cere disertum, time ne secretum reveles
 confessionis; ignorasne, inter densa Pha-
 lerni pocula non unum submersum He-
 roem? time ne in similia cadas. Siblando
VENCESLAI affidis sermoni, illius
 fronti ne crede etsi serenæ. Deserit clau-
 strales tenebras, in lucem Cæsareæ pro-
 greditur aulæ **IOANNES**, assidet mensæ.
 Offert innumera Cæsar **NEPOMVCE-**
NO fercula, propinat ad tempus libera-
 les pateras, ut illi sigillum pateat Confessi-
 onis. Post longa tandem convivij leno-
 cinia, omnem sibi ominatur prosperitatem,
 ad votaꝝ sua putat inflectendum esse **IO-**
ANNEM. Redit ad incæptum opus, & à
 Divinore **EPAMINONDA** Revelationem se-

creti inquirendo, suam iterum atq; iterum
renovat petitionem. Sed quid est VENCE-
SLAE? si periclitantem Imperatricis IO-
ANNÆ famam à *NEPOMVCENO*
requiris, non tuum est arcana cordium
nosse; secretum Confessionis investigare
non tuum; si Inuictissimus es, tuas prius
vincas passiones, fortior utiq; est qui se,
quàm qui fortissima vincit. Spe suâ e-
lusus Imperator, mollibus verbis adstru-
it minas, quas EPAMINONDAS *IOAN-*
NES minimè pertimescit, stat immotus,
Heroë ejus animū inter aduersa constan-
tem, inter diversos Imperatoris sermones,
semper unanimem omnes agnoscunt vene-
rantur. Nec verberib9, nec mollib9 *NE-*
POMVCENVM emolliens verbis,
attendite quid vesanus machinatur furor.
Profert severum in S. EPAMINONDAM
edictum, ut per cruciatus ad revelandam
Confessionē inflectatur. O ferocem VEN-
CESLAI atrociam! Illum evanido conatu ad
vota sua velle inflectere qui in Sancto pro-
posito, fortior marpesia rupe. Moven-
tur

tur ad tormentorum motum S. EPAMINONDÆ membra, Heroicus tamèn animus ad requisitionem VENCESLAI non movetur. Aduritur ignibus innocens corpus ejus, sed magis ad Divina fervescit. Concitatur summo contra Sanctiorem EPAMINONDAM fervore Cæsar, stridet, pallet, animo mente insanus, fluctuans; ad Moldavæ fluctus, jubet præcipitare IOANNEM. Factum est quod dixi: pessimum mandatum, mali ac impij expediunt Satellites; IOANNEM nocturnis præsentibus umbris, in undis demergunt. In mille gaudia assurgit Cæsar, quòd EPAMINONDAM *IOANNEM* debellavit, sed quid est Imperator? si *IOANNEM* noctu in flumina præcipitasti, Sydera malitiæ tuæ testes: ipsa saxa re-percussis in te vociferant aquis, populumq; vocant; ut tantum facinus, stupeant universi. Gaudia, quæ olim ad necem *IOANNIS* concipiebat, tristi posthac immiscuit mærori: dùm Cælestibûs flammis undiq; Sanctiorē EPAMINONDAM videt ad-

ornatum. Præbent vivum de *NEPO-
MVCE*NO documentum tot tantiq;
miraculorum splendores, divulgat *IO-
ANNEM* veriore*m* *EPAMINONDAM* Vi-
tæ Sanctimonia, ipsæquè Virtutes Elogio-
rum Ejus extant Oratores. Dicite vos, qui
toties infamiæ periculū evasistis, quis nam
vobis suô favit auxiliô, si non *NEPOMV-
CENS*. Loquamini muti, quis, vos
disertiores fecit, si non *IOANNES*.
Agite oculatos gloriæ Ejus testes, olim
exoculati Tyresîæ; qui hujus S. *EPAMI-
NONDÆ* patrocinate gratia; lumen oculo-
rum adivistis. Clauserunt multi in æter-
num lumina noctem; *NEPOMVCE-
NS* vitam pluribus restituendo, lumi-
ne Cælesti plenus, felicitate omnigena
eos illustravit.

Ergo assurge in spes meliores Orbis
universe, in gaudia solatiaq; mille assur-
ge, dùm Tibi Sanctissimus Pontifex *BE-
NEDICTVS XIII.* omni benedictione
plenus, S. *EPAMINONDAM*, Divorum ca-
thologo adscriptum, proponit venerandū.

Ru-

Ruant in Te inimicæ fortes, *NEPO-*
MVCENVVS illas infeliciores transmu-
 tabit, assurgant sexcenta pericula, *JO-*
ANNES fortunatos efficiet Successus.
 Martyr Divinissime, Te *EPAMINONDAM*
 pro domo humanæ felicitatis decertantem,
 hactenus imbellis Oratoris animus vene-
 ratus; sub ingenti laudum virtutumq; Tu-
 arū apotheosi: penitus obmutescit. Quot-
 quot tamen Tuam protectionem implo-
 rant, fac omnes benedictionibûs gratijsq;
 plenos. Augustissima Domus Austriaca,
 ut sub Tuo Patrocinio, Augustos experia-
 tur Successus, demissa cum veneratione
 exposcit. *Invictissimo AVGVSTO*
II. felicissimo Poloniarum Regi, illud Pa-
 trocinium præbeas, sub quo immarcesci-
 biles pacis oleæ florescant. Ales Sarma-
 tica, ut omnigenæ felicitatis nobis Mini-
 stra fiat, Tu Sanctior effice *EPAMINON-*
DA. Pretiosæ Vavelli Coronarum gemmæ,
 ut altis uniantur honoribus, Tu gemma
 Doctorum Martyr Divinissime faveas.
 Maxima honoris Tui promotrix, Confra-
 ternitas Literatorum, quæ sub *MARIÆ*
 G pridem

pridem cessit Patrocinium; ut etiam à Te
Literatorum Præsidio protegatur, expo-
stulat. Laurus Academicæ, ut nunquam
marcescere videantur, Tu aquâ non San-
guine Martyr, copioso gratiarum Tuarū
cas consperge fonte. Graciæ Turres, quæ
Tibi ingredienti, suos reserarunt postes; à
Te Decus Tutamenq; petunt. Ad extre-
mum, omnes devotō cultū Tuo militan-
tes honori, Summa Tui ut protegantur
gratia, supplici efflagitant voto: sicq; Te
EPAMINONDAM, pro domo vitæ
humanæ & felicitatis Bono de-
certantem proclamabunt,
qualem ego

D I X I



Biblioteka Jagiellońska



stdr0023096

